

金鎖流珠引卷之二十八

辭八

中華 仙人 李 淳風 注

考召法師說巡遊圖法

太上老君告无極真人定先曰 姓真名定先

按葛玄傳云有三真人下投付玄經不知是此真人真定老否恐同名不姓真定先六國持得道是秦人步躡上昇為左无極真人夫行步躡之道要須以常行考召之法救人著功於天下人物世界之中即名修求真人之行也夫以為考召法師之法先須存五德者五德青龍白虎朱雀玄武黃庭是五德將軍也昔老君出此法先有三元後有五德今按金鎖流珠圖畫五德無三元不知其三元將軍別出三等圖上元含弘圖餘中元自有

之發遣如不肯者按法而訣禁訣禁不肯伏者步斗步斗是躡地紀之法在後奏章表而誅之訖牒社廟而禁斷若干年由法師口處分年月日也仍給彼人符牒即依年限也夫欲行此步斗之法先於淨室中躡紀三遍散為禹步一十五步配衣指所往之處州縣鄉里某病人之家及拔宅亦用之如圖風曰仙人皆常思存此圖用登天朝真或拔宅常存用須思本師於前自身在師之後勿思於師前後聖君曰夫志心求道須每十日一思存遊巡世界國土之中領將軍吏兵行數十里之外如大將軍行軍布陣相似亦存攝御前軍前軍者是上元將軍唐中元將軍葛左右而行朱雀將軍居中行導引如法把戟旌旗幡赤色周將軍及五德將軍在後圖遠數百與玄武六紀將軍合為數陣飛空而行五雲飛飛旌旗赫赫蓋天滿地不可當敵又本師前領也引導衝滅兇頑妖精思復軍復軍回合衛我正真之炁志人之身亦救未曉之人身家災害助國安邦濟救危厄兩兵相伐彼

此俱散志人長巡即救得難以著陰功功滿昇仙也此徑妙之甚得須秘之勿妄傳非人老君曰金錄圖但有五德將軍而無三元者為是外出五行內鎮三元三元鎮內隨從後東西在其內防鎮自身恐惡鬼所祟害己身也天師傳後聖君受道功小力微未能救人且自防身內鎮三元之神自有上中下圖圖在含弘正一是也上元在含弘中元下元在正一別圖 五行救人三元衛身六甲捉鬼六甲直符兵馬隨日運時與追捕惡鬼七斗呼神一切神皆是北斗使迫親立到也此則天之使臣即北斗是也但一日一夜一周天巡檢天地萬神與六甲而同於天地也二此法畫玉女貴妃是前引導考召法師是也六甲合有六玉女北斗有七貴妃嬌女也自古金錄圖有書之今即是金鎖流珠上篇畫玉女貴妃於前引導師於前是也以古故尊於法師此巡遊之圖陣不是為一而弘之有萬端或以與國王帝主貴人等治病或以救度災衰或以救彼人兵難或云路有劫賊猛獸或

有水火相隔或有瘟黃疫病相染或有兇人惡鬼陰謀內祟或遺釋之于法訣相侵或呪詛祭祀相反令心迷意倒或以因官假力相害或辭言狀語相訴鬼神妄申章表如此等種種之災害並以巡檢與人允直之先允自身家次即他人此法至妙至微不可妄行妄傳慎之

老君曰有前種種之事欲救者須以每日存一巡遊彼家萬毒自消千神百鬼自滅災厄度脫初欲巡之時先入一淨室中躡地紀三遍散為禹步三步九跡吐氣為紫雲先蓋身遍訖次即往彼蓋彼人屋宅周帛及彼人身或兵陣種種使之皆驗應立存須臾蓋萬物皆應成也即檢左都監右都監次即遊師訣及三師訣訖即配衣七斗成七斗七星俱在身手把應星道指之三下即誦地紀五音呪後聖教授天師口訣有大事總誦地紀呪十九音呪為上無不應驗如意也指之三度萬事立消滅即求事得成害事消滅不相染害於己及他人之已呪曰太上傳教後聖流行

天師親受九千萬兵巡察十方市蒸三濟神無凶黨鬼無妖精人鬼各居不得有爭行禍者死行福者生禍福吾知隨手分明左指三滅右指四傾勿犯吾道吾道甚平有罪無赦無罪自寧天賜吾法今吾按行莫犯吾威威猛七星飲汝血食汝精一切但平等吾道不令刑一切心毒害吾道今斬刑意急如律令呪訖便行思之如圖圖有三等如圖圖在流珠上篇第三步銅配衣奉行之是也一等又有三五三元將軍配衣圖是二又中元下元圖及上元含弘圖是三等法思存行用者真也老君曰夫為考召法師巡遊天下十方世界救度人物常行平等為國治身家救人濟物著功於天地之間行德仁聞玉京之上者功滿上帝使仙迎上補為大仙真之位白日上昇天宮昔有人皇常行陰德於人善敬天地水火四等不伏闕又以每日思身自巡遊天下檢校人物不平不允之事抱屈之徒願令得達入夢中見我我與之申屈常以心願如此以一十四年百姓有不平之事抱屈之人

皆各自夢見人皇斷之夢覺各自知罪彼此兩自責已數千萬人往往如此功滿太上與之長壽為人皇壽一萬八千歲後昇玄丘之仙宮昔有術士樂巴善思存巡遊世界救濟人物制神伏鬼數十年於人人知生與之立廟數郡郡中忽有災郡人祭巴災皆自消散也非巴身之通神存思感應也又是巴常行此法鬼神畏敬皆先預知自伏退散即知此法通神妙極老君曾降蜀郡告巴曰此法一能救人立功二能得鬼神畏敬三能立取仙道四能入兵不傷五能入水火入瘟病皆不相染六能去一切口舌官私災害七能立禁斷一切蛇虎猛毒之蟲獸能以伏心不敢損傷人甚驗也夫作考召之法先須於明師邊受本經錄本經錄金鎖流珠是也自有經圖如法三元五行是也一本云無三元將軍只有五行將軍之圖有六甲七星玉女圖其三三元將軍各有圖所以畫出上元三元將軍即在含弘圖中其含弘圖中日月三元五行六甲七星八卦九宮雷霆兩師風伯畫皆一一

畫具足也訖三年後方可受此引書如未受切不得見此書此書是天地之元始炁結而成文真人寫之初是天書後儒方近改定儒書即世人有知此法求仙也辟毒降魔以興道教周秦之後前漢之中即足多人修行此

法世足術士相反遂被仙人隱秘不傳前仙者上昇後得秘絕世關其七百年後晉初方有左左元放是江東人也許許遜是秦人今蜀中桂陽縣也繼代稱仙於江西洪吉之源

出弟子一十人皆稱仙人學此巡遊救人濟世著功修道相繼一一上昇後十一人中更

不傳弟子後絕仙人百年後齊初方傳弟子葛玄玄行世之後鄭思遠二代又無人可繼

學者皆稱器器大斗之器曰碩如儒家所稱也得者而無一合前世地仙人也老君告尹

先生曰巡遊法志心求用無不神通一念便行物無能礙上通天下通地中通人妙通神故能却鬼救人百用百中千邪敢親昔廣成君教黃帝能用得獲天真玄女授黃帝用此巡遊之法九年法成滅鬼威神行道變法伏

牛乘馬安人樊氏夫人是夢遊感得神仙方平王君也遊巡朝謁者萬神天師巡遊仙樂連天真人巡遊救度群生太上巡遊萬帝來迎後聖巡遊諸天俱迎來朝萬聖制伏百靈安養群生者矣

考召法師存思說召延壽六星君名圖法

老君曰延壽六星君者南斗六星君也從東向西飛來師存思之面向東存來下也又存一十二真人從西向東飛來師回面向南左右顧視之又存思左司命右司錄掌籍掌算俱到悉乘飛龍鳳龍騎大車仙童玉女手把十絕靈幡散花鬱轉鬱轉蓋病人牀上散諸香花致病人身上付諸骨節藥散藥司命錄籍責主人守宅三將軍竈戶并井神先亡辭別序病根源上天人北宮中救命法師存身為太上老君含真帶暝相連不失身坐千葉蓮花之上端嚴似真貴守宅三將軍何得鬼祟入宅作祟於忠良謹慎之人火急令取病人魂魄來問司命責宅神及地界社廟土

地神官名山洞府水司何神管此問何神判此地住處司命致令鬼賊害人今仰火急檢某病人年命壽數文按上并便令此病限若干日差仰速報待憑救治此法仍書牒帖等帖宅神守宅三將軍并竈龍神并神萬靈用

此法兼帖廟社便作符檄古人謂之符檄即今之帖是也又一云檄者罵勅之辭令鬼祟敬畏而去不肯去檄令社廟與守宅三將軍門戶并竈之神同心併力而收禁與帖檄直符齊號令而斬之無罪也而制止之鬼祟病人給二七日或三七日無不差者後聖君告天師道陵曰夫人受生配命祿命者生命之身人受生之配屬祿者官品之位食祿之地是也皆有生死生死之害在於五行相刑剋之鬼賊相謀運也若先知此則從五行之中算解制止之立即止如不肯者躡地紀配斗身衣收而斬之永絕此祟則人自便修行永得長生矣此法又上秩五行引中後聖又告尹真人曰鄉學道須知六甲日六甲甲子甲戌等六日也躡地紀三遍散為禹步三步九

跡後配衣存二景三元四時青龍白虎朱雀玄武號四時主春夏秋冬是也五行經云四時之神係黃庭將軍一神即號五行是也又云在天為五星在地為五行在人為五行五行是五德太上封名號之也六甲直日神及玉女主君也七星八卦九宮七星是斗也八卦八方之地是九宮地亦及中宮人星像以九州之號所明九宮之數則三元一元得三故曰三三如九皆不出五行九宮添中宮曰九數又云小九宮九州之地人皇之世致亦名九宮此說小九之數今天地間八方中宮之九數大也故莊生云天有九野號曰九宮也含雷擊電如圖圖具含弘圖中存用之夫衆法盡存用之折辟又檢司命六星等訣往往如此能救治身家及他方人疾病救死得生行此六年南斗延壽六星君及司命司錄等下見身與子言救人治病之功迎子飛昇上清老君告帝曰為此法者有九一修行除自身厄疾二為家親治疾病三為國王大臣治病各有等自品第所說上第一為天子治

病先思上元上部唐將軍次即上元中部李將軍次即上元下部徐將軍次即中元上部唐將軍此將軍姓唐是名閻與上元上部唐將軍相繼年數上元唐將軍名短天皇時人得道身長九千萬丈中元中部葛將軍時人相去甚遠也次中元下部周將軍亦同時人相去甚遠也次中元下部周將軍亦同時王大臣也次即下元李黃王三將軍六國時人李將軍姓李名立志會稽山人秦時得道太上令知下元上將軍次即周遍思之如圖含弘是也即請延壽六星君六人并南斗中真人一十二人次即北斗君九人次即司命君司錄君掌籍掌算君等五人次南斗注生官北斗落死官一時併到并從官吏兵等百千萬人言百千者萬萬大衆之數也俱到某國殿三十四席東七席南七西七北七中官七八卦二日宮二月宮三餘九席七祖之位有四十九為壇黃土布地地上鋪席席上用青色露席坐褥如法如法是具足之言自有別懸延壽六星君文儀以具醮文其醮文上已具用物及有數等定此中略說而不具

是也說存思延壽六星君及司命司錄等作法依前法治病無不差者中等第二為諸侯大臣治病即先呼存上元中部李將軍次中元中部葛將軍次下元中部黃將軍備具方即思延壽六星君司命君司錄君等延命治病依步呪無不差者下等第三為州縣官長及百姓不問男女即先思上元下部徐將軍次中元下部周將軍次下元下部王將軍備具即請延壽六星君及司命司錄等降延度疾病救治生死便有徵驗立在須臾夫治一切人病者但依此三等無不差者其符在三部雜符中隨病所名使主皆有驗四能入兵令人不見傷賊護已係衆用如前法符別出符在黃帝集靈記上卷中出此符也五能入水捉蛟龍水害魚鱗之類用法以躡地紀七遍飛天網七遍此飛天網不於國上飛步但以存地上作步似圖即得如若飛步熟有功不必要步網但存之如圖亦得夫有急事心存手訣口念便行其神便應何要作步看圖此是初學之人恐不應須親步網也昔有道

術之士越萬學紀綱法一十四年道成心便
存使不用步常行捨訣之道入水如地上行
散為禹步九跡九遍主九江又變一十二步
主四海以六已土縛脚心上便得入水入水
時捨六戊訣勅水神任意捉使總得六能使
人入山草不迷毒蛇猛獸自伏并入火禁火
皆不有傷損驗用依前法七能令人得入中
仙長生不死之道可以本命日常存思南斗
延壽六星君及司命司錄君掌籍掌算君降
下如圖圖在金鎖流珠中篇內有用詔即躡

紀飛網紀地紀網天網也散步配衣捨訣誦
十九首呪訖又捨司命君訣訣在流珠下篇
卷中也即誦呪呪十九首畢即止如此行之
四年便任地仙八能令人得大仙大仙者天
地中仙人也一云天仙地仙山中居止也九
能令人久久行之得上真仙人之位一云真
人上清太極大仙官之號為真人也昔上天
真大聖廣成子等數百真人皆是躡紀飛網
衣斗思斗衣斗者北斗也思斗者南斗也北
斗九星二星不見世人見者七星也今以呼

為七星君不知有九星九籍二君也南斗八
星不見二星世人見者六星今呼為南斗六
星君不知有八星八卦二君也一延壽君二
司命君餘即掌籍掌算君上生落死君是世
有人知此道長生不死立得仙人也不離心
神久而修行總成天仙

金鎖流珠引卷之二十八

正一天師清微弟子百堅製作
道教學術資訊網

金鎖流珠引卷之二十九

辭九

華嚴經云善哉善哉隨處隨處善哉善哉善哉善哉
中 王 仙人 李 淨 風 注

考召法師存思木官起屋救病法
老君告救苦真人鄭仁安曰子為真人行者
莫過救於重病之人也救一人病天地記為
一功也夫人身者名為舍宅如屋相似故為
欲救之理以呼存木官木官者五行之中有
木官也假如甲子生人金命呼戊辰木官為
上不得呼壬午木官起屋却官病人也來降
與病人起屋正屋其思如圖伐樹正屋修
換梁柱如此三日萬病退差又曰夫人病重
子為師欲救治但存思與他人正屋倒樹即
有應驗病退也經云屋正身正屋邪身邪屋
倒身倒又一云夫人身病屋左右足多樹其
魂神飛散出身奇附其樹之上往往有人見
有光明者是衰病人魂神也子為醫救之人
先存木官斫倒宅左右樹存取此樹為木與
病造屋於生炁地上是病人六甲行年生炁
之地是又亦避年上存生炁地起屋又修見